

ATHU MAKAI LEH LEMNA

Van noia hin leiset mi hem te kilosetna le papset jallin gamkhat le gamkhat namkhat le namkhat kikah ah boina aumjing in ahi. Hiche boi na hojeh in leiset chunga hin ani anin, gal le tol aum jingin ahi. Alangkhata sei dingin leiset mi hem te khantou to kilhonin vannoi chihna jong akhang tou vin ahi. Hitichun mi hem ten jong leiset suh mang nathei gal manchah ho ahin semdoh uvin mihem te hin tijatah in akhosau vin ahi.

Adehdeh in hoilai mun hijong leh van noia gal akisat leh agen thei pen chu Numei chapang ho ahi ti akimun ahi. Hitobanga mona neilou nunao chapang ho chunga kibol engsetna aum theilouna dinga UN Security council member hon kinop tona ahinneiu ahi. Hicheto kilhona galjeh a monaneilou numei chapang ho chunga suhgen theina aumleh hiche dan dung juia UN in action alah theina dinga hiche hi hung um ahi.

Van noi danin aphas lou khat chu eima chunga ahung umkhah leh hi chea kona chu internationalized bola ahina bangtah a vannoi hetsah ding hi akisamin ahi.

Kuki te jong hi gal tam nei te ihiu to kilhona gal le tol jeh a alomlouva gentheina ajat jat jong ihin tou ahitan, hitobang ho anung umkit louna dinga Kuki chanu jousen hiche hi ihet diu deisah najalla hiche eipaova hin kile doh ahi .

Hiche sunga um ho ihet uto kilhona hoilai mun hijong leh dan to kitoh louva khat le khat kah a kinoise na ho suhbeina dinga Kuki chanu ten jong ijochan uva pan ilah theina diu vin nabonchau chungah temna kahin nei e.

Tahsa le Lhagaova na nam chan khompiu,

**Kakang@ Deikhoneng
Delhi- Incharge
Kuki Woman Human Rights Organization
Dated, 22nd, October 2004**

**Phone: 25572572
email kwhro2004@yahoo.co.in
deikhoneng@yahoo.co.in**

United Nation Security Council Resolution No 1325

UNITED NATION SECURITY COUNCIL KILOL NA RESOLUTION NO. 1325

Date 31st October 2001 kumin United Nation Security Council member hon kinop tona anei utoh kilhonin hiche kinop tona chu UN Security Resolution No(1325) aki tin ahi. Hiche kinop tona hi galjeh a numei ho he soh gen theina le, Vannoia chamna aum theina dinga kinop tona masa pen jong ahi. Hitobang resolution ahung umtheina ajeh hochu anoia hohi ahi.

- **1999, August 25 nia resolution No. 1261 (1999), 17th September (1999) kuma anakiso resolution No.1265(1999), 19th April 2000 kuma resolution No.1296(2000),11thAugust 2000kuma resolution No.1314(2000), hojeh leh 8th march 2000 (SC/6816)kuma woman Right leh Van noia chamna aum theina ding.**
- **Beijing Declaration A/ 52/ 231dungjuia alouthei louva boltei dinga kinoptonale, “2000le numeite”kitimina 23veilhinna UN Assemblya hung sohdoh ho geldoh nading.**
- **Kum jadan 21 (21 century) a numei le pasal kikah a chan vou ki bahna, chonnale khantouna aumtheinadinga kinoptona A/s-23/10 REB1le adehdeh a numei hole manchahchoi ho kikaha boina jeh.**
- **UNO in doile tup anei holah a adehdeh a vannoia chamna aumthei nadinga UN Security Councilin tohding kin ho ageldoh jingna ding.**
- **Gal jeh a numeihlo le chapang kho helou hon genthei athohna hou ada adoia akho avenga in alou kisuh mang peh a munchom gam choma kichensah ho chuleh monaneilou hiche mipi ho chunga man chahchoi hon thichan geia engbolna anei houva kona vendoh thei nading.**

- Chamna aumtheina ding le boina a umlou nading a numeite panlah hi athupi danle hiche chamna aumthei nadinga panla numei hodin mun dopsanga aumthei nading.
- Galle toul akichaia agenthei hochunga vannoii in kithopina anei na holeh, gamsunga chepiding danpi sem phatna chunga numeiten Human Right pilhing tah anei theina ding le Bomb le kitoh khah nathei gal manchah kikoi hoa kona numei ho akiventup theinading.
- Chamna aum theina dinga pan lakhhomna a nulepa kikah alangnei neina achomchoma khena umlou nadinga akisei hochu” Winhupe Declaration“dung juia ki thopi na hochu “Namibia Program” (S/2000/693) jongle geldoh nading.
- Galle tol chule boina ajat jat aum sunga chapang ho ventup theina dinga kin la hon kitup tah a pan alah theina diuva 8th march 2000, nia UN Security Council Statement sunga jong proposal hi athupi dan hetdoh nading.
- Gal le toul jeh a numei chapang ho vangset na chunga agamkaia kin kipe hon lolhing tah a kin alah uhi van noia chamna um theina dinginnasa tah in kitho pina apethei e tihi aphotchet theina dingin gal le toul jeha numei chapang te chunga vangset nale hesoh gen theina ho aum louna dinga hiche hi UNSecurity Council in kinopto nale phondoh na ahin nei ahi.

**Hiche UN Secutity Council kinop tona chu
anoia hohi ahi:-**

- 1. Boina chule galle toulaum boina dinga panlahna hoa hi ama gamkai dungjuia hi hen, International Community hon pan alah nao hijongle hiche hoa kona natoh nale kinop tona ho jousea numei hon pan alah nadingu vin UN Security Council a member jouse koma temna akinei e.**
- 2. Boina aum louna ding leh chamna aum jing theina dinga bol dinga kilom ho boldoh nadinga kinoptona jousea numei hon pan aha lah theina diuva UN General Secretary natoh na (A/49/587)chunga hattaha pan alah nadin thapehna aki neie.**
- 3. General Secretary in ama khela asol ho hihen,ama palai ho hi jong leh numei hojoh aha lhen nadingin temna akinei e. chuchekeu hilou vin, gam jousen jong UN General Secretary koma asol naova numei ho jong apan theina dingin temna aki neie.**
- 4. UN kivai hopna (adehdeh a) military din mun khol chet na, police department, Human Right le Humanitoria hoto kisaia kitho pi nanei department hoa numei ho tusanga aha panna dingin UN General Secretary henga taonale temna aki neie.**
- 5. Chamna umthei nadinga nule pa kikah a thakhat(kibahna) aumkeu hilouva hoilaimuna um itobang natohna hijongle nule pa kikah a kibang chetna pan alahthei naochu dihtah a um theina dingin General Secretary heng ah temna aki neie.**

- (6) Gal le toul kichaia chamna aum teng leh galsunga vangset na touh Numei ho chu angai chat hou suh bulhit na aumthei nading, chule gamsunga chamna le khan touna ale umtheina dinga vaipo hon tohgon anei hou chelhah theina dinga numei honjong pan alah theinadiuva General Secretary in aphat sah to kilhonna mopo ho le Security Council member jousen jong ajui thei nadiuva temna ahi.
- (7) UNO vaipohna noija um women fund, child fund, Refugee fund leh department chomchoma konna kithopi no hole, hiche kithopina a kona kibol trainin hi hen, development dang dang ho hijong leh nulepa kikah a chanvou akibah thei nading keu hilou vin hiche programe pilhin theina dinga member hon aki ha thopi chehdiu vin temna akinei e.
- (8) Chamna dinga kinop tona aumthei nading natohna hihen ki houna hijong leh numei le pasal kikah a kikbang atah a pan alah theina houchu:-
- (a) Mipite avella thuh dohna, avela lechen sahna, avela khan touna dinga panlah na le boina kichai jouva numei chappang ho dinga akisei ho.
- (b) Locala cheng numei hou channa aum theina dinga tohgon ho agam kaicheh a na kitong jousea numei hon pan alah thei nading.
- (c) Numei ho thaneina (Women Right), Changpang ho thaneina (Child Right) ho hetpeh a ahi theinadinga Constitution sunga kichen tah a sutlut ahi theina ding, election.

United Nation Security Council Resolution No 1325

- (9) 1949 kuma Geneva kinop to nale 1977 ki het be kinop tona ho, 1951 kuma Refugee to kisaia kinop tona le 1967 kuma kibe lap ho, 1979 kuma numeite chunga Descrimination ki bol ho suh mang na dinga ki nop to nale 1999kuma kibe lap kinop tona hole 31st October 2000kuma security council in aso Declaration No(5), vei 4213 lhinna SC/6942/4213 pm, 1989 kuma UN ki nop tona child Rightle 25th may 2000kuma kibelap ho jouse chunga gamjousen ki tuptah a achepi nadiu vin temna akinei e.
- (10) Galle toulsunga manchah choilou numei hochunga pumthou va tohset na anei hou va konna vendoh na dingin hiche boina ajao manchah choi hochunga temna anei e.
- (11) Gal le toul sunga pum thouva numei ho chonset pi ho, mipy techunga bolgenthei nah, namkhat suhmang dingleuva, mipy ahon hona that ho chunga jepna peh hi hen, hiche hoa kona on tholna hiding ahitoh kilhonin, ahi thei channa ngaidam lou dingin ngeh na aki neie.
- (12) Gal le toul jeh a akhoa chengthei louva, mun choma kichen sah hohi hen, Refugee camp ho hi jongleh hiche mun jousea numei chapang hon kilomtaha hinkho amandiu vin giltah in aki ngai toe. Hicheto kilhonin 19th November 1998 kuma UN/SC kilolna No.1208/1998 chu agam kai mi hon ageldoh diuvin thumna aki neie.
- (13) Alang alanga galmanchah hihen kiloikhomna hile suhmanga chule kivop khomna aumteng leh nulepa kikah a kibah louna hohi geldoh a ama hodinga angaicha hochu suhbu lhit theina dingin hichea panla ho chungah temna le thapeh na aki neie.

- 14.UN Declaration (chapter)41, aki chepi jouse le mipi vang set nale gentheina hohi geldoh jinga hiche jeh a vangsetna toh te hepi na jala ki thopina ki lomtah achanthei nadiu leh, adeh deh a hiche kithopi na hochu numeiten vetchena anei thei nadiuva gelkhoh pehdingin avelin suhdetna aki neie.**
- 15.Chutobanga gamsung numei ho leh van noia numei kiloikhom to kihou matna a kona S/Council member hon nu lepa kikah a lang neina nei louva aum thei nadiuva kichetnading ahi.**
- 16.Gal le toul jeh a Nunao chapang ho vangsetna, chamna aumtheinadinga numei ho panlahna, chule lunggelna chunga khat le khat kibah lou ho kholchetdingin General Secretary koma ngehna akineie. Hitobang kholchet najala kimu ho chunga report bola hiche report chu SC member jouse het sah dingin avelin thumna aki neie.**
- 17.Chamna aum jing thei na dinga palai hoa kona nule pa ki bangchetna apanjala aphatchomna kimu hole numei chapang to kisaia thil soh jouse chu General Secretary in S council a report anei teng leh akisap na banga ajao sah ding in thum na le tem na aki nei e.**
- 18. Hi che ho hi tha nom le tom ngai taha banjoma chepi dingin ki nop to na akinei e.**

United Nation Security Council Resolution No 1325

KINOP TONA NO.1325 SUNGA KIMU HO :-

**Security Council kinoptona point (18)hoa kona ki muchu
anoia ho hi ahi.**

- ❖ S/C kinop tona jousea numei ho thalheng atambe theina dinga member gam jouse temna a nei uve.
- ❖ Boina suh thipna dingle chamna ban joma aumthei nadinga ki nop tonajousea numei ho ajaotheli nadinga General Secretary kipe kin (A/49/587)chu hattah a atohthei nadinga thapehna ahi.
- ❖ Gamjousen Security Council palai a numeite ngan sena aha nei be nadingin General Secretary temna aneie.
- ❖ UN to kisaia gam ho, vet chil na hi hen, mipy agentheii ho kithopi na hijong leh kin kipe holah a numeiten pan lah bena anei theina dinga General Secretary henga atem nao ahi.
- ❖ Numei ho ki um tup na thei diuva angaicha hochu aki thopi diuva Secretary henga thum na anei u ahi.
- ❖ Nu le pakah aki khen telna beina dinga aki sun hojouse chu member gam jousen achanuva apeh be thei na diu ahi.

- ❖ **Boinasunga jao manchah choihon numeichapang ho chunga het themna aneia aven tupna dinga hiche International law hi jana neitah a ajui thei nadiu ahi.**
- ❖ **Numei chapang ho chunga tohkhel nale adehdeh a Rape kibol bol ho a kona kivendohna dinga akikoi ho alangni toa ngehkhoh na ahi.**
- ❖ **Alampi chomchoma numeichapang akibol genthei ho le, ahon honna mithat hochunga kilomtah a thutanna aumthei nadinga agam kai vaipo jouse temna anei ahi.**
- ❖ **Gal le toul jeh a achenna kichon peh holeh Refugee Camp aum hon, mihem chondan to kitoh a jana aneina diuleh adehdeh a numei chapang ho ngaichat ho gelkoh theina dingin agamkai mi ho henga ngeh na ahi.**
- ❖ **Galle touljeh a nunao chapangte vangsetna, chamna umthei na dinga numei te dinmun, chamna dinga panla hosunga nule pan kibanga pan alahjala phatchomna hochu Security Council heng nga General Secretary in report anei nadinga ngehna ahi.**

United Nation Security Council Resolution No 1325

**Chamna dihtah um theina dinga Resolution
NO.1325 jala natoh ahung kikhel dan:-**

- Chamna dinga ki houna jousea numei te apanthei nading.
- Ki houna jousea numei hole civil society hon jong alunggelu apoh doh thei nadiu.
- Boina le Galle toul kona kiven doh nading, aki boi ho kicham nading, akicham hosunga banjoma chamna aumtheina ding, chamna aumjouva, gamsung khantou nadinga natohna jousea nule pan kibang chetna pan alahding.
- Hiche resolution (kilolna) NO(1325) api lhin theina dinga NGO, Government, UNO leh International Community hon ajo chan nauva pan alah theiu ahi.

**Numei ten ahet them theina diuva
hilchet dingdan.**

- Hiche Resolution NO 1325 hi itidol a akimanchah leh cham nale lungmonna umtheiding ham? ti hi aching, athem, ahao, avai, nai louva, Numei te jouse hetchet sahding ahi.
- Hiche hi Numeite lung monna dingle ki ventup nadinga man chah phatah ahidan hilchet na, chule iti dolla manchah ding ahi jong, lung gelle dinmun kibang lou numei jat chomchom holah a kihou limna, Seminar, Workshop ho neipi jing ding.
- Galle toul sunga vangsetna chomchom a tohou chunga avang set manu kilomtah a achanthei ding danu hi ahetchet thei nadiuva hilchet ding.
- A magam kaicheh a numeiten dantoh kitoh louva kibol gen theina ho abeia, Human Right, Women Right ho apilhin thei na nadinga vetchil jingding.

United Nation Security Council Resolution No 1325

**Chamna apilhin theina dinga numeite dinmun ho khoh
sahna aum theina dinga anoia hohi bolthei ahi.**

- ◆ **Newspaper, Magazine, Pamlet ho le adang dang ho soa van noi in ahet theina dinga theding.**
- ◆ **Poster Campaign, leh Postcard hoa soa the ding.**
- ◆ **Carton hi hen lang ipi lampang hijongleh mipi lunglut theinadingabola mipilah a theding.**
- ◆ **Agam kaia kiloi khomna hiche kiloikhomna hochun ahethem lou ho hilchet ding.**
- ◆ **Lekha he lou ho dinga alimsema awso khum ding.**
- ◆ **Boina gam hoa, a boilou hon genthei thoh numei chapang ho sum le paia akitho pi thei nadiuva lampi sempeh ding.**

**Achunga kisei ho chunga thilsoh ho UN na hetsah nomle
anoia kipe address a lekha nathot thei ahi.**

Jean-marie-Guehenno
Room S-3727B, United Nations,
New York, NY 10017

Hiche thutoh kisaia (UNO) kinop tona hi hen, thil dangdang hijong
leh nahet benom aum leh anoia kipe mail address hoa kona nahol
bethel ahi. Chujongleh hiche thua het themlouna nanei jongleh na
doh bethel ahi.

<http://www.peacewomen.org/un/basics/map.html>
<http://www.peacewomen.org/contacts/conindex.html>

Published by :-

Kuki Woman Human Rights Organization (Burma)
Delhi Branch

Translated by:-
Deikhoneng